

Կ Ա Ր Գ

ԿԵՆՍԱԲԱՆԱԿԱՆ ԾԱԳՄԱՆ ՆՄՈՒՇՆԵՐՈՒՄ ՀԱՅՏՆԱԲԵՐՎԱԾ ԵՎ ՆՈՒՅՆԱԿԱՆԱՑՎԱԾ ԴՆԹ (ԴԵԶՕԲՍԻՌԻԲՈՆՈՒԿԼԵԻՆԱԹԹՈՒ) ԲՆՈՒԹԱԳՐԵՐԻ ՀԱՇՎԱՌՈՒՄ ԻՐԱԿԱՆԱՑՆԵԼՈՒ, ԻՆՉՊԵՍՆԱԵՎ ԴԱՏԱԳԵՆԵՏԻԿԱԿԱՆ ՓՈՐՁԱՔՆՆՈՒԹՅՈՒՆՆԵՐԻ ԱՐԴՅՈՒՆՔՈՒՄ ՀԱՅՏՆԱԲԵՐՎԱԾ ԴՆԹ ԲՆՈՒԹԱԳՐԵՐԸ ՓՈՐՁԱԳԻՏԱԿԱՆ ՀԻՄՆԱՐԿՆԵՐԻ ԿՈՂՄԻՑ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆԸ ՏՐԱՄԱԴՐՎԵԼՈՒ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են ԴՆԹ (դեզօքսիռիբոնուկլեինաթթու) բնութագրերը Հայաստանի Հանրապետության ոստիկանության (այսուհետ՝ ոստիկանություն) կողմից հաշվառվելու, ինչպես նաև դատագնեստիկական փորձաքննությունների արդյունքում հայտնաբերված ԴՆԹ բնութագրերը փորձագիտական հիմնարկների կողմից ոստիկանությանը տրամադրվելու հետ կապված իրավահարաբերությունները:

2. ԴՆԹ բնութագրերի հաշվառման ընթացքում ոստիկանությունն առաջնորդվում է Հայաստանի Հանրապետության օրենսդրությամբ:

3. Սույն կարգում կիրառվում են հետևյալ հիմնական հասկացությունները՝

1) ԴՆԹ բնութագիր՝ անձնական տվյալ, որն իրենից ներկայացնում է անձին բնորոշ ԴՆԹ-ի (դեզօքսիռիբոնուկլեինաթթու) որոշակի հատվածների կողավորած տեղեկություն՝ թվային արտապատկերման տեսքով.

2) ԴՆԹ բնութագրերի հաշվառում՝ գործողություններ, որոնք ուղղված են ԴՆԹ բնութագրերի ստացմանը, կուտակմանը, համակարգմանը, համեմատմանը, պահպանմանը, օգտագործմանը, տարածմանը և ոչնչացմանը.

3) ԴՆԹ բնութագրերի էլեկտրոնային պահոց (այսուհետ՝ ԴՆԹ պահոց)՝ ուստիկանությունում մշակվող, կուտակվող, համակարգվող, ծածկագրվող և պահպանվող ԴՆԹ բնութագրերի ամբողջություն.

4) կենսաբանական ծագման հետք (այսուհետ՝ հետք)՝ անձանց հյուսվածքներ, դիակների հյուսվածքներ և մասունքներ, մարդու արտազատուկներ (թուք, քրտինք, տղամարդու սերմ (սպերմա) և այլն) և ցանկացած այլ հետք, որը պարունակում է կորիզային բջիջ.

5) լոկուս՝ ԴՆԹ շղթայի հատված, տեղամաս, որն իր մեջ պարունակում է կոդավորված տեղեկատվություն.

6) Ամելոգենին (Amelogenine)՝ լոկուս, որը տեղեկություն է պարունակում անձի սեռի վերաբերյալ.

7) ԴՆԹ բնութագրերի համընկնման համակարգ՝ համակարգչային ծրագրային փաթեթ, որի միջոցով ուստիկանության կողմից իրականացվում է ԴՆԹ բնութագրերի մուտքագրումը ԴՆԹ պահոց, դրանց ծածկագրումը, պահպանումը և համեմատումը:

II. ԴՆԹ ԲՆՈՒԹԱԳՐԵՐԻ ՀԱՇՎԱՌՄԱՆԸ ԵՎ ՓՈԽԱՆՑՄԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ

4. Կենսաբանական ծագում ունեցող հետքերով ծանր և առանձնապես ծանր, ինչպես նաև սեռական ազատության և անձեռնմխելիության դեմ ուղղված հանցագործություն կատարած անձանց հայտնաբերելու (բացահայտելու) նպատակով ուստիկանության փորձաքրեագիտական վարչությունն իրականացնում է ԴՆԹ բնութագրերի հաշվառում:

5. ԴՆԹ պահոցում հաշվառվում են հանցագործության դեպքի վայրից վերցված՝ քրեական գործով չպարզված անձանց և մեղադրյալից Հայաստանի Հանրապետության քրեական դատավարության օրենսգրքով սահմանված կարգով վերցված նմուշներից դատագենետիկական փորձաքննությունների արդյունքում հայտնաբերված ԴՆԹ բնութագրերը:

6. ԴՆԹ պահոցում առկա տեղեկություններն օգտագործվում են բացառապես սույն կարգի 4-րդ կետով նախատեսված խնդիրների իրականացման համար և այլ նպատակներով օգտագործվել չեն կարող:

7. ԴՆԹ բնութագրերի փոխանցումը սույն կարգով նախատեսված մարմինների միջև իրականացվում է փոփոխման չենթարկվող էլեկտրոնային ֆայլով՝ լոկալ փակ (պաշտպանված) կապուղու միջոցով, դրա բացակայության դեպքում՝ օրենսդրությամբ սահմանված փաստաթղթաշրջանառության կանոնների համաձայն:

8. ԴՆԹ պահոցում հաշվառվում են միայն՝

1) դատական փորձաքննություններ կատարելու իրավասություն ունեցող փորձագիտական հիմնարկներում գենետիկական փորձաքննությունների արդյունքում ստացված ԴՆԹ բնութագրերը.

2) այն հետքերից ստացված ԴՆԹ բնութագրերը, որոնք առաջացել են մեկ անձից և չեն պարունակում խառնուրդներ.

3) այն ԴՆԹ բնութագրերը, որոնք պարունակում են նվազագույնը 8 լոկուսների ([FGA](#), [TH01](#), [VWA](#), [D3S1358](#), [D8S1179](#), [D18S51](#), [D21S11](#) և Ամելոգենին (Amelogenine) մասին տեղեկատվություն:

9. ԴՆԹ պահոցը համալրվում է՝

1) հանցագործության դեպքի վայրից վերցված՝ քրեական գործով չպարզված անձանց թողած հետքերից և մեղադրյալից Հայաստանի Հանրապետության քրեական դատավարության օրենսգրքով սահմանված կարգով վերցված նմուշներից դատագենետիկական փորձաքննությունների արդյունքում հայտնաբերված ԴՆԹ բնութագրերով.

2) Հայաստանի Հանրապետությունում Ինտերպոլի ազգային կենտրոնական բյուրոյից (այսուհետ՝ Ինտերպոլի ԱԿԲ) և օտարերկրյա պետություններից ստացված՝ Հայաստանի Հանրապետության քաղաքացի հանդիսացող այն անձանց ԴՆԹ բնութագրերով, որոնք

մեղադրվում են այնպիսի հանցագործության կատարման համար, որը Հայաստանի Հանրապետության քրեական օրենսգրքով համարվում է ծանր և առանձնապես ծանր, ինչպես նաև սեռական ազատության և անձեռնմխելիության դեմ ուղղված հանցագործություն:

III. ԴՆԹ ԲՆՈՒԹԱԳՐԵՐՆ ՈՍՏԻԿԱՆՈՒԹՅԱՆԸ ՏՐԱՄԱԴՐԵԼԸ, ԴՐԱՆՔ ԴՆԹ ՊԱՀՈՑ ՄՈՒՏՔԱԳՐԵԼԸ ԵՎ ՀԱՄԸՆԿՆՄԱՆ ՀԱՐՑԻ ՊԱՐԶՈՒՄԸ

10. Եթե դատագենետիկական փորձաքննություն նշանակելու մասին որոշման ուղեկցող գրության մեջ նշված է սույն կարգով նախատեսված հանցագործության տեսակը (ծանր, առանձնապես ծանր կամ սեռական ազատության և անձեռնմխելիության դեմ ուղղված հանցագործություն), փորձաքննության արդյունքում հայտնաբերված ԴՆԹ բնութագրերի հիման վրա փորձագիտական հիմնարկում լրացվում է ԴՆԹ բնութագրի քարտ (Ձև N 1), որը փորձաքննությունն ավարտելուց հետո 5 օրվա ընթացքում հաշվառման նպատակով ուղարկվում է ոստիկանության փորձաքրեագիտական վարչություն:

11. Փորձագիտական հիմնարկներից ստացված ԴՆԹ բնութագրերը ոստիկանության փորձաքրեագիտական վարչությունում մուտքագրվում են ԴՆԹ պահոց՝ հաշվառելու և համընկնման համակարգի միջոցով համապատասխան ստուգում իրականացնելու նպատակով:

12. Ստուգման արդյունքներով ԴՆԹ բնութագրերի համընկնում հայտնաբերելու դեպքում այդ մասին անհապաղ զեկուցվում է ոստիկանության պետին կամ ոստիկանության պետի իրավասու տեղակալին: ԴՆԹ բնութագրերի համընկնման դեպքում մեկօրյա ժամկետում ոստիկանության փորձաքրեագիտական վարչությունում կազմվում է համընկնելու վերաբերյալ տեղեկանք (Ձև N 2), որն ուղարկվում է դատագենետիկական փորձաքննություն նշանակած մարմին:

IV. ԴՆԹ ՊԱՀՈՑԻՑ ՏԵՂԵԿՈՒԹՅՈՒՆՆԵՐԻ
ՏՐԱՄԱԴՐՈՒՄԸ

13. ԴՆԹ պահոցում առկա տեղեկությունները իրենց լիազորությունների իրականացման շրջանակներում գրավոր հարցման միջոցով ստանում են դատարանները, դատախազությունը, նախաքննության և հետաքննության մարմինները, այդ թվում՝ Ինտերպոլի ԱԿԲ-ն և օտարերկրյա պետությունների իրավապահ մարմինները՝ Հայաստանի Հանրապետության քրեական դատավարության օրենսգրքով և Հայաստանի Հանրապետության միջազգային պայմանագրերով սահմանված դեպքերում:

14. Հարցման արդյունքներով ԴՆԹ բնութագրերի համընկնման համակարգի միջոցով իրականացված ստուգումների արդյունքում ԴՆԹ բնութագրերի համընկնում հայտնաբերելու դեպքում ոստիկանության փորձաքրեագիտական վարչությունում կազմվում է համընկնելու վերաբերյալ տեղեկանք (Ձև N 2), որը հարցումը ստանալուց հետո 5 աշխատանքային օրվա ընթացքում ուղարկվում է հարցումը կատարած մարմնին:

15. Համընկնում չհայտնաբերելու դեպքում ոստիկանության փորձաքրեագիտական վարչությունը այդ մասին հարցում ստանալուց 5 աշխատանքային օրվա ընթացքում գրավոր տեղեկացնում է հարցումը կատարած մարմնին:

16. Սույն կարգի 13-րդ կետում նշված մարմինների հարցումների արդյունքում ոստիկանության փորձաքրեագիտական վարչության տրամադրության տակ հայտնված, սույն կարգի 2-րդ գլխի պահանջներին համապատասխանող և ԴՆԹ պահոցում չընդգրկված ԴՆԹ բնութագրերը ևս սահմանված կարգով վերցվում են հաշվառման:

17. Փորձագիտական հիմնարկներից ոստիկանության փորձաքրեագիտական վարչություն ստացված՝ օտարերկրյա պետության քաղաքացի հանդիսացող անձանց ԴՆԹ

բնութագրի մեկ օրինակը 5 աշխատանքային օրվա ընթացքում ուղարկվում է Ինտերպոլի ԱԿԲ՝ օտարերկրյա պետության քաղաքացու ծագման պետություն ուղարկելու համար:

V. ԴՆԹ ԲՆՈՒԹԱԳՐԵՐԻ ՊԱՀՊԱՆՈՒՄԸ ԵՎ ՈՉՆՉԱՑՈՒՄԸ

18. ԴՆԹ բնութագրերը պահվում են 80 տարի ժամկետով, բացառությամբ քրեական հետապնդումը դադարեցնելու կամ չիրականացնելու մասին որոշում կայացվելու կամ արդարացնող հիմքով քրեական գործի վարույթը կարճվելու կամ արդարացման դատավճիռ կայացվելու դեպքերի, որոնց պարագայում ԴՆԹ բնութագիրը ենթակա է ոչնչացման՝ ոստիկանության տեղեկատվական կենտրոնից այդ մասին տեղեկատվությունն ստանալուց հետո՝ 24 ժամվա ընթացքում:

19. Ոստիկանության տեղեկատվական կենտրոնը ծանր և առանձնապես ծանր, ինչպես նաև սեռական ազատության և անձեռնմխելիության դեմ ուղղված հանցագործությունների դեպքերով հարուցված քրեական գործերով քրեական հետապնդումը դադարեցնելու կամ չիրականացնելու մասին որոշում կայացվելու կամ արդարացնող հիմքով քրեական գործի վարույթը կարճվելու կամ արդարացման դատավճիռ կայացվելու մասին տեղեկատվություն ստանալուց հետո 5 աշխատանքային օրվա ընթացքում այդ մասին տեղեկացնում է ոստիկանության փորձաքրեագիտական վարչություն՝ համապատասխան ԴՆԹ բնութագիրը ոչնչացնելու նպատակով:

20. Եթե դեպքի վայրից վերցված՝ քրեական գործով չպարզված անձի ԴՆԹ բնութագիրը համընկնում է քրեական գործի քննությամբ հետազայում պարզված և հանցա-

գործության մեջ չմեղադրվող անձի ԴՆԹ բնութագրի հետ, ապա այդ մասին ոստիկանությունում տեղեկատվություն ստանալուց հետո՝ 24 ժամվա ընթացքում, տվյալ ԴՆԹ բնութագիրը ոչնչացվում է:

21. Նախաքննության մարմինը սույն կարգի 20-րդ կետով նախատեսված անձի վերաբերյալ տեղեկատվությունը, այն հայտնի դառնալու պահից 5 աշխատանքային օրվա ընթացքում, տրամադրում է ոստիկանության փորձաքրեագիտական վարչությանը՝ համապատասխան ԴՆԹ բնութագիրը ոչնչացնելու նպատակով:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ՂԵԿԱՎԱՐ

Է. ԱՂԱԶԱՆՅԱՆ

Ձև N 1

ԴՆԹ ԲՆՈՒԹԱԳՐԻ ՔԱՐՏ

Ինդեքս՝ (անձ, դեպքի վայրից հետք, անհայտ կորած, անհայտ դիակ)				Հանցագործության տեսակը*			
Այլ նշումներ (մեղադրյալ)				անձնական տվյալներ (ծննդյան ամիս, ամսաթիվ, տարեթիվ, ծննդավայրը, քաղաքացիությունը)			
Փորձագիտական կենտրոնի անվանումը, փորձագետի եզրակացության համարը, կատարման ամսաթիվը և կատարող փորձագետի տվյալները				Նախաձեռնող մարմին (նախաքննության, հետաքննության մարմին)			
Ակրեդիտացիա*				Քրեական գործի (սյուժերի) համար*			
<u>VWA</u>	<u>TH01</u>	<u>D21S11</u>	<u>FGA</u>	<u>D8S1179</u>	<u>D3S1358</u>	<u>D18S51</u>	<u>Amelogenine</u>
<u>TPOX</u>	<u>CSF1P0</u>	<u>D13S317</u>	<u>D7S820</u>	<u>D5S818</u>	<u>D16S539</u>	<u>D2S1338</u>	<u>D19S433</u>
<u>Penta D</u>	<u>Penta E</u>	<u>D1S1656</u>	<u>D2S441</u>	<u>D10S1248</u>	<u>D22S1045</u>	<u>D12S391</u>	<u>SE33</u>

ստուգման (համեմատման) օր, ամիս, տարեթիվ

Փորձագետ՝

անուն, ազգանուն, ստորագրություն

ՏԵՂԵԿԱՆՔ ՀԱՄԸՆԿՆԵԼՈՒ ՎԵՐԱԲԵՐՅԱԼ

Ստուգվող (անհայտ) ԴՆԹ բնութագիր

դիմերես

Ինդեքս* (անձ, դեպքի վայրից հետք, անհայտ կորած, անհայտ դիակ)				Հանցագործության տեսակը*			
Այլ նշումներ (մեղադրյալ)				անձնական տվյալներ (ծննդյան ամիս, ամսաթիվ, տարեթիվ, ծննդավայրը, քաղաքացիությունը)			
Փորձագիտական կենտրոնի անվանումը, փորձագետի եզրակացության համարը, կատարման ամսաթիվը և կատարող փորձագետի տվյալները				Նախաձեռնող մարմին (նախաքննության, հետաքննության մարմին)			
Ակրեդիտացիա*				Քրեական գործի (սյուժերի) համար*			
VWA	TH01	D21S11	FGA	D8S1179	D3S1358	D18S51	Amelogenine
TPOX	CSF1P0	D13S317	D7S820	D5S818	D16S539	D2S1338	D19S433
Penta D	Penta E	D1S1656	D2S441	D10S1248	D22S1045	D12S391	SE33

Համընկած (պահուցում առկա) ԴՆԹ բնութագիր

դարձերես

Ինդեքս* (անձ, դեպքի վայրից հետք, անհայտ կորած, անհայտ դիակ)				Հանցագործության տեսակը*											
Այլ նշումներ (տուժող, կասկածյալ, մեղադրյալ)				անձնական տվյալներ (ծննդյան ամիս, ամսաթիվ, տարեթիվ, ծննդավայրը, քաղաքացիությունը)											
Փորձագիտական կենտրոնի անվանումը, փորձագետի եզրակացության համարը, կատարման ամսաթիվը և կատարող փորձագետի տվյալները				Նախաձեռնող մարմին (նախաքննության, հետաքննության մարմին)											
Ակրեդիտացիա*				Քրեական գործի (սյուժերի) համար*											
<u>VWA</u>		<u>TH01</u>		<u>D21S11</u>		<u>FGA</u>		<u>D8S1179</u>		<u>D3S1358</u>		<u>D18S51</u>		<u>Amelogenine</u>	
TPOX		CSF1P0		D13S317		D7S820		D5S818		D16S539		D2S1338		D19S433	
Penta D		Penta E		D1S1656		D2S441		D10S1248		D22S1045		D12S391		SE33	

ստուգման (համեմատման) օր, ամիս, տարեթիվ

Փորձագետ՝ -----
անուն, ազգանուն, ստորագրություն